

INUIT ATAQATIGIIT INATSISARTUNI



UKA2021/168

9. november 2021

Sofia Geisler

Tungaviusumik inatsisissaq pillugu isumalioqatigiisitap unitsinnissaa, kiisalu isumalioqatigiisitami sulinerup unitsinneqarnissaa pillugu Inatsisartut aalajangiineranniit atuutilersussamik Naalackersuisut peqquneqassasut Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu C. Jerimiassen, Atassut)

Siunnersuut Inuit Ataqatigiinniit imatut oqaaseqarfigissavarput; Inuit Ataqatigiit tungavilerneqarmat siunnerfiup siullersaat tassaasimavoq nunatut aningaasaqarnikkut Naalackersuinikkullu namminersortungornissarput, tamannalu siunnerfik manna tikillugu allangortinneqangilaq.

Inuit Ataqatigiinniit isumarput tassaavoq tungaviusumik inatsisissaq pillugu sulineq Inatsisartuni amerlanerussuteqartut aalajangersimasaat naammassillugu suliarineqassasoq.

Qinigaaffiup siuliani suliatsinnut ilaavoq tungaviusumik inatsisiliornissamut sulisitat aallartinnissaat, tamannalu ataatsimiititaliaq susassaartoq partiillu tassani ilaasortaataqanngitsut malinnaatitaat qanimut suleqatigalugit ilusilersorneqarpoq.

Takinerusumik oqaasertalernagut aalajangiiffigisassatut siunnersuut Aqqalu C Jeremiassenimit saqqummiunneqartoq ilalernatigut matumuuna oqaatigissavarput.

Qujanaq.